

# ***Ilanngussaq E***

Ilanngussaq 2, AIS2017-ip aappassaaneerneqarnissaanut atatillugu oqaasertaliussanut allannguutissatut siunnersuutit aamma oqaasertaliussanut nassuiaatit:

Naalakkersuisut Siulittaasuat – Suliassaqarfik 10 - 12

Nr. 84.

Konto pingaarneq 10.13.11 Aktiaateqarluni ingerlatseqatigiiffinnut aningaasannorlugit aningaasartuut pillugit

AIS2017-imi kontumut pingaarnermut matumunnga oqaasertaliussat peeqquneqarput ukuninngalu taarsarlugit:

”Iluaaarutit, pissarsiat, aktianik tunisinerit assigisaalluunniit aqutugalugit isertitanik immikkut ittunik Nunatta Karsiata qanoq annertutigisunik tigusaqarnera apeqqutaalluni Kalaallit Airport A/S-imi akiliutissatut katillugit 100 mio. kr.-nit angullugit nalilinnik atuisinnaanissamik Naalakkersuisut piginnaatinneqarput. Isertitanik immikkut ittunik taamaattunik atuinissaq pillugu naalakkersuinik-kut aalajangiisoqarnera peqatigitillugu isertitat aningaasartuutillu nalunaarneqassapput.

Naalakkersuisut Kalaallit Airports A/S-imi 100 mio. kr.-nit angullugit aningaasaatinik qaffaasinnaanermut piginnaatinneqarput. Aningaasaatinik qaffaaneq pappiaqqat nalillit akianut 100-mut imaluunniit Naalakkersuisut qaffasinnerusumik aalajangigaanut akiliisoqarsinnaavoq.

Uppernarsaatit, taarsigassarsinerimut uppernarsaatit, takussutissat allatullu uppernarsaatit Kalaallit Airports A/S-ip aningaasalersorneranut, ingerlanneranut sanaartorneranullu atatillugu suliari-neqartut pisortanut naqissusiinermi akitsuutinik eqqorneqassanngillat.

Naqissusiinikkut pisussaajunnaarsitsinerimut Nuummi, Ilulissani Qaqortumilu mittarfiini atasuni taakkununngalu ilaareersunik illunik, teknikkikkut sanaartukkanik kiisalu pigisanik nuunneqarsinnaasunik akileeqataassutitut tunniussineq ilaatinneqarpoq.

Nuna tamakkerlugu pilersaarusiornermut soqutigisanik suliarinninnermut atatillugu, mittarfinnik nutaanik atortulersuutinillu taakkununnga atasunik pilersitsinerimut atatillugu, Naalakkersuisut isumaqatigiissuteqarsinnaapput kommunini sanaartorfigiuminarsaanermi aningaasartuutit akilernissaannut.

Nuna tamakkerlugu pilersaarusiornissamut peqqussutikkut, mittarfinnik nutaanik sanaartornissamut taakkununngalu ilaasunut atortulersuutinut, illunut, teknikkikkullu sanaartukkanut aalajangersakkat peqqissaarnerusut Naalakkersuisut aalajangiussinnaavaat aamma Naalakkersuisut aalajangersinnaavaat, nuna tamakkerlugu pilersaarusiornissamut peqqussut, Ilulissani, Nuummi imaluunniit Qaqortumi mittarfiliarluni sanaartornissani, taakkununngalu ilaasunut atortulersuutinut, illunut, teknik-

## Ilanngussaq 2, oqaasertaliussat kiisalu oqaasertaliussanut nassuiaatit

kikkullu sanaartukkanut nunaminertamut atuinnermut aalajangersakkat peqqissaarnerusut, kommunimi pilersaarutitut inatsisitigut kinguneqassasut.

### Konto pingaarneq 10.13.11 Aktiaateqarluni ingerlatseqatigiiffinnut aningaasannorlugit aningaasartuutit pillugit oqaasertaliussanut nassuiaatit

AIS2017-imi kontumut pingaarnermut matumunnga oqaasertaliussanut nassuiaatit peeqquneqarput ukuninngalu taarsarlugit:

"Ilulissani Nuummilu 2.200 meterinik takissusilinnik, Qaqortumilu 1.499 meterinik takissusilinnik Kalaallit Airports A/S-ip Ilulissani, Nuummi Qaqortumilu suluusalinnut mittarfinnik sananissaa siunertaralugu aalajangiisoqarnerata kinguneranik oqaasertaliussat ilanngunneqarput.

Oqaasertaliussat aqutigalugit Naalakkersuisut Kalaallit Airports A/S-imi 100 mio. kr.-nit angullugit aningaasaliinissaat periarfissinneqarpoq. Aningaasaatinik qaffaanikkut aningaasaliisoqassaaq.

Pappiaqqanik nalilinnik pisinermi akigitinneqartup aalajangernissaani anguniartariaqarpoq pappiaqqat naleqarnerusut aningaasartaasa sapinngisamik ingerlatseqatigiiffiup aningaasartuutaannik matusisinnaanissaat, matumani mittarfiliortiternissat aningaasalersornissaanni pilersaarusiornissat misissuinissallu eqqarsaatigalugit.

Kalaallit Airports A/S-imi aningaasaliinissaq aatsaat pisinnaassaaq Nunatta Karsia aktieselskabinit Namminersorlutik Oqartussanit tamakkiisumik ilaannakortumilluunniit pigineqartunit pissarsianik, iluanaarutunik assigisaannilluunniit immikkut ittunik pissarsisinnaassappat. Pissarsiat, iluanaarutit assigisaalluunniit immikkut ittut isertitatut aningaasanut inatsimmi isertitassatut aningaasaliissutunik qaangiisut isigineqarput.

Isertitanik immikkut ittunik taamaattunik isertitaqarsinnaanermut aningaasartuuteqarsinnaanermullu tigussaasumik aalajangiinissamik Naalakkersuit oqaasertaliussatigut piginnaatinneqarput, peqatigitillugulu aningaasanik Kalaallit Airports A/S-imi aningaasaliinertut atuisinnaanerat siunertaralugu. Piginnaatitsissut IST-mut sunnuteqartussaangilaq. Aningaasaqarnermut Akileraartarnermullu Ataatsimiititaliaq piginnaatitsissutip atornissaa pillugu piaartumik ilisimatinneqassaaq.

Kalaallit Airports A/S-ip suliaanut aalajangiiffigisassaanullu killiliussat allat kontumut pingaarnermut oqaasertaliussat 2016-imut Ilassutitut aningaasaliissutissanut Inatsisissatut Siunnersuummut ilanngunneqartussatut akuersissutigineqartut saniatigut takutinneqarput, soorlu tamanna Aningaasaqarnermut Akileraartarnermullu Ataatsimiititaliamit akuersissutigineqartoq, takuuk suliamut 16-713-imut Ataatsimiititaliap aalajangiinera. Aningaasaqarnermut Akileraartarnermullu Ataatsimiititaliap suliami pineqartumi oqaasertaliussamut akuersinerata ingerlatitseqqinneratalu kingunerisaanik oqaasertaliussaq una ilanngunneqarpoq.

Oqaasertaliussat nutaajupput.”

**Aningaasaqarnermut Aatsitassanullu Naalakkersuisoq - Suliassaqarfik 20 – 24**

**Nr. 85.**

**Konto pingaarneq 20.01.01-mut, Aningaasaqarnermut Naalakkersuisoqarfik**

Allannguutissatut siunnersuut manna saqqummiunneqarpoq aningaasat konto pingaarneq 20.11.70 Suliniutinut nutaanut sillimmatit-mi aningaasartuutunik misissueqqissaarnissat ingerlannissaannut immikkoortitat atugassanngortinniarneqarmata. Kontumut pingaarnermut oqaasertaliussat uku ilannguteqquneqarput:

”Nr. 1.

Naalakkersuisut konto pingaarnermi matumani atuinerusimasut imaluunniit atuinikinnerussutaasimasut 1.000.000 kr.-it angullugit ukiumut aningaasaliiviusumut tullermut nuunnissaannut piginnaatinneqarput.

Nr. 2.

Aningaasartuutunik misissueqqissaarnerit Aningaasaqarnermut Naalakkersuisoqarfiup naalakkersuisoqarfiit attuumassuteqartut suleqatigalugit suliarissavai. Ukiumi aningaasaliiviusumi 2017-imi suliassaqarfik 40, Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik aamma suliassaqarfik 73-77, Pinngortitamut, Avatangiisinut Nukisiuuteqarnermullu Naalakkersuisoqarfik pillugit aningaasartuutunik misissueqqissaartoqassaaq. Aningaasaqarnermut Naalakkersuisoq ukiumi aningaasaliiviusumi suliassaqarfinnut aningaasartuutunik misissuiffigineqartunut suliassaqarfinnik allanngortitsinissamik piginnaatinneqarpoq. Aningaasaqarnermut Akileraartarnermullu Ataatsimiititaliaq piginnaatitsissummik atuisoqartillugu ilisimatitsissuteqarfineqassaaq.”

**Konto pingaarneq 20.01.01-mut, Aningaasaqarnermut Naalakkersuisoqarfik, nassuiaatit**

Oqaasertaliussat uku ilanngunniarneqarput:

”Nr. 1.

Oqaasertaliussat aningaasaliissutaasut atorluarneqarnerunissaannut periarfissiipput. Suliassaqarfiit ataasiakkaat aningaasartuutaannik misissueqqissaarnerit kinguaattoorfiusinnaapput, taamaalillutillu ukiumi aningaasaliiviusumi naatsorsuutigineqartut naammassineqanngitsoorlutik. Kinguneratigut aningaasartuutunik misissueqqissaarnerit kinguaattoorfiunnginnissat oqaasertaliussatigut qulakkeerneqassaaq. Kiisalu immikkoortuni ataasiakkaani aningaasartuutunik naliliisarluni misissuinerit katitigaasarsinnaapput annertusarsinnaallutillu, taamaattumik avataanit siunnersortinit ikiorteqarnissaq pisariaqartarsinnaalluni.

## Ilanngussaq 2, oqaasertaliussat kiisalu oqaasertaliussanut nassuiaatit

Oqaasertaliussaq nutaajuvoq.

### Nr. 2.

Aningaasartuutininik misissueqqissaartarnerit Aningaasaqarnermut Naalackersuisoqarfimmiit suliarineqassasut, suliassa qarfiillu sorliit ukiumi aningaasaliiviusumi aningaasartuutitigut misissueqqissaarneqassanersut oqaasertaliussatigut aalajangersarneqarpoq. Oqaasertaliussatigut Aningaasaqarnermut Naalackersuisoq suliassa qarfiit allat oqaasertaliussani taaneqanngitsut aningaasartuutaannik misissueqqissaartoqarnissaanik aalajangiisarnissaminut periarfissaqalerpoq. Kontumut pingaarnermut matumunnga missingersuutininut ilanngussami naatsorsuutigineqartuniit allaanerusunik suliassa qarfinnut aningaasartuutininik misissueqqissaartoqarnissaanik arlalinnik kinguneqarsinnaavoq.

Oqaasertaliussat nutaajupput.”

### **Nr. 86.**

#### **Konto pingaarneq 20.10.22 Isertitat allat-mut**

Oqaasertaliussat tulliuttut ilanngunniarneqarput:

”B 4024-ip, Inisseeqqittarfiup, Kommuneqarfik Sermersuumut 6.300.000 kr.-inik akilersillugu tunineqarnissaanik Naalackersuisut piginnaatinneqarput.”

#### **Konto pingaarneq 20.10.22 Isertitat allat-mut nassuiaatit**

Oqaasertaliussat tulliuttut ilanngunniarneqarput:

”B 4024-ip Kommuneqarfik Sermersuumut tunniunneratigut Inisseeqqittarfimmik ingerlatsinermut akisussaaffiup kommunimut inissinnissaa ataatsimut aalajangerneqassaaq, takuuk qanittumiinnissamut tunngaviliunneqartartoq. Nuussisoqarnerani attartortunut anisitaasimasunut illup ornigassatut inisseeqqittarfittullu atornissaa Naalackersuisunit qulakkeerniarneqarpoq, kommunilu kajumissaarlugu illoqarfinni NGO-nik assigiinngitsunik suleqateqaqqullugu.

Oqaasertaliussat nutaajupput.”

### **Nr. 87.**

#### **Konto pingaarneq 20.40.01-imut, Digitalimik Sullissinermut Aqutsisoqarfik**

Oqaasertaliussat tulliuttut ilanngunniarneqarput. Oqaasertaliussat ilannguteqqusat konto pingaarneq 20.30.01 Aningaasaqarnermut Sulisoqarnermullu Aqutsisoqarfik, allaffissorneq-mut oqaasertaliussanut nr. 1-imut allannngornatik attuumassuteqarput:

”Nr. 3.

## Ilanngussaq 2, oqaasertaliussat kiisalu oqaasertaliussanut nassuiaatit

Digitaliseeriinermut Aqutsisoqarfiup suliassaasa ilaasa allaffissornermut imaluunniit IT-mik ingerlatsinermut suliassat nuunneqarnissaannut atatillugu konto pingaarneq 20.40.01 Digitalimik Sullissinermut Aqutsisoqarfik-mut ingerlatsinermut kontuneersunik allanik missingersuutitut sunnuteqanngitsumik nuussinissamik Naalackersuisut piginnaatinneqarput.”

### Konto pingaarneq 20.40.01-imut, Digitalimik Sullissinermut Aqutsisoqarfik, nassuiaatit

Nassuiaatit tullinnguuttut ilannguteqquneqarput:

#### ”Nr. 3.

Digitalimik Sullissinermut Aqutsisoqarfiup suliassa ilaanni allaffissornermut imaluunniit IT-mik ingerlatsinermi suliassamik Naalackersuisut nuussinissamik ingerlatitseqqissinnaammata allaffissornerup ajornannginnerunissaa oqaasertaliussatigut siunertarineqarpoq.

Oqaasertaliussat nutaajupput.”

#### **Nr. 88.**

### Konto pingaarneq 20.40.02-mut, Nuna tamakkerlugu digitalinnortitsinissamut periusissap atuutsilerneru

Kontumut pingaarnermut matumunnga oqaasertaliussat nr. 2 peequneqarput, tullinnguuttunillu taarserlugit. Atuinerunernik atuinikinnerunernilluunniit nuussinermi 10 %-imiit 50 %-imut qaffaasoqarnissaa allannguutissatut siunnersuummi piginnaatitsissutaassasoq qinnutigineqarpoq. Qummut killiliinerup qaffanneqarnera tulluartutut isigineqarpoq, ilaatigut 2017-imi 'Ilanngaassiviup' ineriartortitsiffiunissaanut immikkut ittumik aningaasaliissutit immikkoortinneqarsimasut eqqarsaatigalugit:

#### ”Nr. 2.

Naalackersuisut piginnaatinneqarput konto pingaarnermi uani atuinerussutinik atuinikinnerussutinilluunniit ukiumut aningaasanut inatsiseqarfiusumut tullermut nuutsisinnaanissaminnut. Ukiumi aningaasaliiviusumi tassani aningaasaliissutit 50 pct-ii angullugit nuunneqarsinnaapput.”

### Konto pingaarneq 20.40.02-mut, Nuna tamakkerlugu digitalinnortitsinissamut periusissap atuutsilersinner-mut nassuiaatit

Oqaasertaliussanut nr. 2-mut nassuiaatit peequneqarput tullinnguuttunillu taarserlugit:

#### ”Nr. 2.

Aningaasaliissutit ajunnginnerusumik atorpeqarnissaat qulakkeerniarlugu ukiut aningaasanut inatsiseqarfiusut akornanni aningaasanik nuussinissamut Naalackersuisut tunngavissaqarnissaat oqaasertaliussatigut qulakkeerineqarpoq.

Oqaasertaliussat AI 2016-imit iluarsineqarlutik ingerlateqqitaapput.”

**Peqqissutsimut Nunanillu Avannarlernik Suleqateqarnermut Naalakkersuisoq – Suliassaqarfik 34**

**Nr. 89.**

**Konto pingaarneq 34.11.08 Atornerluisunik katsorsaanagermut pilersaarut-mut**

Oqaasertaliussat tulliuttut ilanngunniarneqarput:

”1. januar 2017-imit aallartittumik Qaqortumi, Sisimiuni Ilulissanilu najukkani katsorsaasarfinnik ukiuni arlalinni attartornissami isumaqatigiissusiornissamik Naalakkersuisut piginnaatinneqarput. Attartornermut isumaqatigiissutit ukioq ataaseq sivisunerpaamik atorlugu Naalakkersuisunit atorunnaarsinneqarsinnaasariaqarput.”

**Konto pingaarneq 34.11.08 Atornerluisunik katsorsaanagermut pilersaarut-mut nassuiaatit**

Nassuiaatit uku ilanngunniarneqarput:

”Qaqortumi, Sisimiuni Ilulissanilu ininik attartortoqarnissaa pillugu isumaqatigiissutininik sivisuumik atasussanik isumaqatigiissusiornissaannut Naalakkersuit oqaasertaliussatigut piginnaatinneqarput. Qaqortumi, Sisimiuni Ilulissanilu katsorsaasarfinnik nutaanik pilersinneqartunik ingerlatsinissamut ininik Allorfimmit atorneqassapput. Najukkani katsorsaasarfinnik pilersitsinerit Naalakkersuisut nuna tamakkerlugu siunissami atornerluisuunermit katsorsaasoqarnissaanut pilersaarutaannut ilaassapput, taakkulu aningaasanut inatsimmi kontumi pingaarnermi matumani atugassanngortinneqassapput.

Kontumi pingaarnermi matumani oqaasertaliussat aqqutigalugit peqqinnissaqarfik piffissamut ungasinnerusumut pilersaarusiorninnaalerpoq, taamaalillunilu isumaqatigiissutininik sivisuumik atasussanik isumaqatigiissusiornermigut ininik attartornermut ukiumut aningaasartuutininik ikilisaasinnaassalluni.

Oqaasertaliussat nutaajupput.”

**Ilinniartitaanagermut, Kultureqarnermut, Ilisimatusarnermut Ilageeqarnermullu Naalakkersuisoq – Suliassaqarfik 40**

**Nr. 90.**

**Konto pingaarneq 40.10.06, Kalaallit Nunaanni efterskolit ingerlannerinut tapiissuteqarneq**

AIS2017-imi kontumut pingaarnermut matumunnga oqaasertaliussat nr. 1 peeqquneqarput ukuninngalu taarserlugit:

”Nr. 1.

## Ilanngussaq 2, oqaasertaliussat kiisalu oqaasertaliussanut nassuiaatit

Efterskolit pillugit Inatsisartut inatsisaanni nr. 13, 5. december 2008-meersumi § 14, imm. 1 aamma 5 naapertorlugit akiliutigineqartussat makku aalajangersarneqarput:

Piffissami 1. januar 2017-imiit 31. juli 2017 tikillugu makkuninnga tapiissuteqartoqarpoq:

Ukiumut aningaasarsiat	Sap.akunneranut tapiissutit
Gruppe I: 0 – 280.000	731 kr.
Gruppe II: 280.001 – 340.000	531 kr.
Gruppe III: 340.001 – 400.000	381 kr.
Gruppe IV: 400.001 – 500.000	281 kr.
Gruppe V: 500.001 – qummul- lu	0 kr.

Tamakku kingunerisaannik sapaatit akunnerannut efterskolit 731 kr.-inik akigititaqartillugit angajoqqaat sapaatit akunnerannut imatut akiliuteqartassapput:

Ukiumut aningaasarsiat	Sap. akunneranut akiliutit
Gruppe I: 0 – 280.000	0 kr.
Gruppe II: 280.001 – 340.000	200 kr.
Gruppe III: 340.001 – 400.000	350 kr.
Gruppe IV: 400.001 – 500.000	450 kr.
Gruppe V: 500.001 – qummul- lu	731 kr.

Qatanngutit 18-it inorlugit ukiullit eqqarsaatigalugit angajoqqaat akiliuteqartarnerisa appartinneqarnerat:

- Meeqqamut 18-t inorlugit ukiulimmut ataatsimut ukiumut aningaasarsiat 30.000 kr.-nik appartinneqassapput.
- Qatanngutigii 18-t inorlugit ukiullit efterskolimiittut arlaqarpata meeqqat aappaanniit qummumut tamakkiisumik tapiissuteqartoqassaaq.

Piffissami 1. august-imiit 31. december 2017 tikillugu makkuninnga tapiissuteqartoqarpoq:

Ukiumut aningaasarsiat	Sap.akunneranut tapiissutit
Gruppe I: 0 – 340.000	731 kr.
Gruppe II: 340.001 – 400.000	381 kr.
Gruppe III: 400.001 – 500.000	281 kr.



## Ilanngussaq 2, oqaasertaliussat kiisalu oqaasertaliussanut nassuiaatit

Gruppe V: 500.001 – qum- 0 kr.  
mullu

Tamakku kingunerisaannik sapaatit akunnerannut efterskolit 731 koruuninik akigititaqartillugit angajoqqaat sapaatit akunnerannut imatut akiliuteqartassapput:

Ukiumut aningaasarsiat	Sap. akunneranut akiliutit
Gruppe I: 0 – 340.000	0 kr.
Gruppe II: 340.001 – 400.000	350 kr.
Gruppe III: 400.001 – 500.000	450 kr.
Gruppe V: 500.001 – qummul- lu	731 kr.

Qatannugutit 18-it inorlugit ukiullit eqqarsaatigalugit angajoqqaat akiliuteqartarnerisa appartinneqarnerat:

- Meeqqamut 18-t inorlugit ukiulimmut ataatsimut ukiumut aningaasarsiat 30.000 kr.-nik appartinneqassapput.
- Qatannugutigiit 18-t inorlugit ukiullit efterskolimiittut arlaqarpata meeqqat aappaanniit qummut tamakkiisumik tapiissuteqartoqassaaq."

### Konto pingaarneq 40.10.06-imut, Kalaallit Nunaanni efterskolit ingerlannerinut tapiissuteqarneq, nassuiaatit

AIS2017-imi kontumut pingaarnermut matumunnga oqaasertaliussanut 1-imut nassuiaatini immikkoortumi kingullermiittoq peeqquneqarpoq tullinnguuttunillu taarserlugu:

"Oqaasertaliussat AI 2016-imit iluarsineqarlutik ingerlateqqitaapput."

### **Nr. 91.**

#### Konto pingaarnermut 40.10.12-imut Efterskolit

Oqaasertaliussat tulliuttut ilanngunniarneqarput:

"Danmarkimi efterskolernermi angajoqqaat akiliutigisartagaasa appartinnissaannut akigititat makku aallaavigalugit tapiissuteqartoqartassaaq:

Piffissami 1. januar 2017-imiit 31. juli 2017 tikillugu makkuninnga tapiissuteqartoqarpoq:

Sapaatip akunneranut 281 kr.-nit.

Angajoqqaat Danmarkimi efterskolertitsinermi ataaseq sinnerlugu meeraqarsimappata meeqqap suilliup saniatigut meeqqanut tamanut sapaatip akunneranut 422 kr.-inik tapiissuteqartoqartassaaq.

## Ilanngussaq 2, oqaasertaliussat kiisalu oqaasertaliussanut nassuiaatit

Danmarkimi efterskolernerumt atatillugu ilaquitariinnut aningaasarsiakinnerusunut akiliuteqartitsisarnerup appartitsivigineqarnissaanut annerusumik tapiisoqarnissaanut neriorsuut ukiumut atuarfiusumut 2016-2017-imut 2016-imut Aningaasanut Inatsimmi tunngaveqarluni tunniunneqartoq piiffissami neriorsuiffiusumi ingerlaannassaaq.

Piiffissami 1. august 2017-imiit 31. december 2017-imut uku tapiissutigineqassapput:

Ukiumut aningaasarsiat	Sapaatip akunneranut tapiissutit
Gruppe I: 0 - 340.000	Angajoqqaat akiliutaat 0 kr.-inngortillugu tapiissuteqartoqassaaq. Taamatut tapiissuteqarneq suliataaasiakkaarlugit naatsorsorneqartassaaq, tamannalu aalajangersarneqartassaaq danskit Danmarkimi efterskolernerumt tapiissutaasigut angajoqqaat akiliutissaat annikillisinneqarpat.
Gruppe II: 340.001 – 500.000	600 kr.
Gruppe III: 500.001 qummullu	200 kr.

Tamatuma kingunerissavaa angajoqqaat sapaatip akunneranut agguaqatigiissillugu ima akiliisalernerannik. Efterskolit ataasiakkaat namminneq angajoqqaat akiliutaannik aalajangersaasarmata angajoqqaat akiliutigisarpiaat allanngorarput:

Ukiumut aningaasarsiat	Sapaatip akunneranut akiliutit
Gruppe I: 0 – 340.000	0 kr.
Gruppe II: 340.000 – 500.000	500 kr.
Gruppe III: 500.001 – qummullu	1.150 kr.

Qatannugutit 18-it inorlugit ukiullit eqqarsaatigalugit angajoqqaat akiliuteqartarnerisa appartinneqarnerat:

- Meeqqamut 18-t inorlugit ukiulimmut ataatsimut ukiumut aningaasarsiat 30.000 kr.-inik appartinneqassapput.

- Qatannugutigiit 18-t inorlugit ukiullit efterskolimiittut arlaqarpata meeqqat aappaanniit qummut tamakkiisumik tapiissuteqartoqassaaq."

### Konto pingaarneq 40.10.12 Efterskole-mut nassuiaatit

Nassuiaatit tullinnguuttut ilannguniarneqarput:

"Danmarkimi efterskolertitsinerni atuartunut angajoqqaat akiliuteqartarnerisa annikillisarnissaat oqaasertaliussani aalajangersakkatigut tapersorsorneqarpoq.

Oqaasertaliussat nutaajupput."

**Nr. 92.**

**Konto pingaarneq 40.91.31-mut, Suliniutit aallaavigalugit tapiissutit**

AIS2017-imi kontumut pingaarnermut matumunnga oqaasertaliussani kingullertut tullinnguuttut ilannguteqquneqarput:

”60.000 kr.-nit sap.ak. holdinut  
Arctic Adventure Guide”

**Konto pingaarneq 40.91.31-mut, Suliassaqarfinnut aalajangersimasunut tapiissutit, nassuiaatit**

AIS2017-imi kontumut pingaarnermut matumunnga oqaasertaliussanut nassuiaatini immikkoortoq kingulleq peeqquneqarpoq tullinnguuttunillu taarserlugu:

"Oqaasertaliussat AI 2016-imit iluarsineqarlutik ingerlateqqitaapput."

**Nr. 93.**

**Siunertamut konto 40.95-imut, Eqqumiitsuliorneq Oqaasertaliussat tulliuuttut ilanngunniarneqarput:**

Oqaasertaliussat tulliuuttut ilanngunniarneqarput:

”Naalakkersuisut Nuummi "Kalaallit Nunaanni Eqqumiitsulianut Toqqorsivik"-iup sanaartornissaanut tamakkiisumik aningaasalersorlugu sanaartortitsisuunissaannut piginnaatinneqarput, pilersinneratalu kingorna tassunga ingerlatsinermut tapiissuteqarnissaq pillugu neriorsuuteqarnissamik piginnaatinneqarlutik.

Neriorsuut 1. januar 2017-imiit aallartittumik ukiut 3-t angullugit tunniunneqarsinnaavoq.”

**Siunertamut kontumut 40.95-imut Eqqumiitsuliorneq-mut nassuiaatit Nassuiaatit tullinnguuttut ilanngunniarneqarput:**

Nassuiaatit uku ilanngunniarneqarput:

"Naalakkersuisut Nuummi "Kalaallit Nunaanni Eqqumiitsulianut Toqqorsivik"-iup sanaartornerani tamakkiisumik aningaasalersorneqartumik sanaartortitsinissaat oqaasertaliussatigut periarfissineqarpoq. Tamatuma saniatigut sanaartortitsinermut aningaasanik akuersissuteqartoqarnissaa oqaasertaliussatigut periarfissaqanngilaq.

Sanaartornerup nalaani missingersuutinik qaangiisoqassappat taakkununnga Naalakkersuisut akilinnissaannut oqaasertaliussatigut aningaasaqarnikkut pisussaaffiliisoqanngilaq. Nunarput tamakkerlugu eqqumiitsulianut toqqorsivik atorneqalissagaluarpat ingerlatsinermut tapiissuteqartoqarnissaa

## Ilanngussaq 2, oqaasertaliussat kiisalu oqaasertaliussanut nassuiaatit

pillugu Naalakkersuisut neriorsuuteqarsinnaanerat oqaasertaliussatigut piginnaatitsissutaavoq.

Pilersaarummi siuariartoqarsimanngippat ingerlatsinermut tapiissuteqartoqarnissaanik neriorsuut, sanaartortitsinerullu tigunissaa ukiut 3-t qaangiukkaangata nalilersoqqinneqarlutillu nutarterneqartassapput. Nunatsinni eqqumiitsulianut toqqorsiviup sanaartorneqarnera ukiut 3-t taakkua iluanni aallartissagaluarpat piffissaq qaangiutereeraluarpalluunniit neriorsuut tunniunneqartoq atuinnartussaassaaq, taamaattoqarsimappallu neriorsuummik nutarterinissaq pisariaqassanngilaq.

Neriorsuut tunniunneqartoq Nunatta Karsiata Naatsorsuutaani pisussaaffinngorsinnaasunut ilanngunneqassaaq.

Oqaasertaliussat nutaajupput.”

### Ineqarnermut, Sanaartornermut Attaveqarnermullu Naalakkersuisoq - Suliasaqarfik 70 - 72

**Nr. 94.**

#### Konto pingaarnermut 72.06.51-imut, Inissianik tunisineq - ilanngaaseereerluni akiliuteqarneq

AIS2017-imi kontumut pingaarnermut matumunnga oqaasertaliussat nr. 1 peeqquneqarput ukuninngalu taarserlugit:

”Nr. 1.

B-nr.-mut 76, 237, 586 aamma 587-ip (tamarmik Nuummi Noorlerniittut) tamanut neqeroornikkut akisunerpaamut tuninissaannut Naalakkersuisut piginnaatinnearput. Inissiat tunineqarsinnaanngippata inissiat isaterneqassapput. Sumiiffik tamanna Inatsisartut inissialiortiternissaannut atorneqarusunnersoq tunisisoqartinnagu Naalakkersuisut Inatsisartut Siulittaasoqarfiannut apereqqaassapput.”

#### Konto pingaarnermut 72.06.51-imut, Inissianik tunisineq - ilanngaaseereerluni akiliuteqarneq - nassuiaatit

AIS2017-imi kontumut pingaarnermut matumunnga oqaasertaliussanut nr. 1-imut nassuiaatit peeqquneqarput ukuninngalu taarserlugit:

”Nr. 1.

Bnr 76, 237, 586 aamma 587 tamarmik Nuummi Noorlermiittut 2017-imi isaternissaat ilimagineqarpoq. Inissiat, Nuummi inissiat pisortanit pigineqartut allat assigalugit, ima ajortigilersimapput inissiatut atorneqarsinnaajunnaarsimallutik. Inissiat tamatuma saniatigut ima ajortigipput iluarsartunnissaat aamma akilersinnaassanani. Taamaammat nunaminertaq illut taaneqartut inissisimaffigisaat 2017-imi isateriffiginierneqarpoq (konto pingaarneq 89.72.12 Inissialiassat taartissanillu

## Ilanngussaq 2, oqaasertaliussat kiisalu oqaasertaliussanut nassuiaatit

inissialiortiterneq), taamaaliornermullu pissutaavoq nunaminertaq siunertanut allanut atorneqarsinnaammat.

Inatsisartut Siulittaasoqarfiata nunaminertami Inatsisartuni ilaasortanut inissiassanik sanaar-tortoqarnissaa eqqarsaatigaa. Pilersaarut taanna tapersorsorneqanngippat tamanut neqeroornikkut akisunerpaamik neqeroortumut tuninissaannut Naalakkersuisut piginnaatinneqarput. Inatsisartut nunaminertamik atuinissamik kissaateqassanngikkaluarpata illut tamanut neqeroornikkut akisunerpaamik neqeroortumut tuniniarlugit misilinniarneqarpoq, neqeroortitsinikkut imaluunniit illunik tuniniaasartoq aqcutigalugu neqeroortussarsiornikkut. Illut Nuummi pilerinartumi inissi-taammata soqutiginnittoqarluarnissaa naatsorsuutigineqassaaq.

Oqaasertaliussat AI 2016-mit allanngortinneqarlutik ingerlateqqitaapput."

### **Nr. 95.**

#### **Konto pingaarnermut 72.06.51-imut, Inissianik tunisineq - ilanngaaseereerluni akiliuteqarneq**

Kontumut pingaarnermut matumunnga ataani allassimasut kontumut pingaarnermut oqaasertalius-satut nr. 4-tut ilannguteqquneqarput:

#### **Nr. 4.**

Namminersornerullutik Oqartussat kommunillu inissiaataannik attartortittakkanik inissiatut ima-luunniit illutut nammineq pigisatut tigusisarneq pillugu Inatsisartut peqqussutaat nr. 12, 19. novem-ber 2007-imeersumi Namminersorlutik Oqartussat ilaqutariinnut illuutaasa illullu marloqiusaasut ilaanginnissaasa aalajangiiffiginissaanut Naalakkersuisut piginnaatinneqarput. Piginnaatitsissut manna illoqarfinni aalajangersimasuni imaluunniit nuna tamakkerlugu atugassanngortinne-qarsinnaavoq."

#### **Konto pingaarnermut 72.06.51-imut, Inissianik tunisineq - ilanngaaseereerluni akiliuteqarneq - nassuiaatit**

Kontumut pingaarnermut matumunnga ataani allassimasut oqaasertaliussat nr. 4-mut nassuiaatit ilannguteqquneqarput:

#### **Nr. 4.**

Namminersorlutik Oqartussat ilaqutariinnut illuutaasa illullu marloqiusat piumasagaatit pi-umasagaatinit illoqarfinni ataasiakkaani niuernikkut nalinginnaasutigut atorneqartuniit malun-naatilmik nikingassuteqarnerat akerlilerniarlugu oqaasertaliussat ilanngunneqarput. Iluamik qivi-assagaanni oqaasertaliussat Nuup illoqarfiani atorneqarsinnaassapput, naatsorsuutigisariaqarporlu illoqarfii Sisimiut Qaqortullu ilanngunnissaat. Oqaasertaliussani pingaarnermik eqqarsaataasoq UKA 2016 immikkoortoq 78-imiippoq, tassanilu ilaqutariit illuunik tuniniaaneq pineqarpoq. Inatsisit piffissami aggersumi misissuiffiginissaani oqaasertaliussat ilanngunneqassapput.

Oqaasertaliussat nutaajupput.”

**Nr. 96.**

**Konto pingaarnermut 72.10.16 Inissiat attartortittakkat ingerlanneqarnerat, aningaasaliissutinit iluanaarutit**

Kontumut pingaarnermut matumunnga tullinnguullutik allassimasut oqaasertaliussatut nr. 6 aamma 7-itut ilannguteqquneqarput.

”Nr. 6.

Naalackersuisut Namminersorlutik Oqartussat inissiaataanni attartortittakkani immikkoortortamik pilersitsinissamik piginnaatinneqarput, tassanilu illuutit inuerussimanngikkunik isateriaannaasut ukiut 3-k angullugit ilanngunneqarsinnaassallutik. Inissianik taakkuninnga sulii attartoqarpat attartortut ineqarnermut massakut akiliutigineqartartumik akiliissapput, taamaattoq aningaasaatinit iluanaarutinit, aserorterisarnepup akiorniarnernanut tapinik aamma tapinik taaneqartunik immikkoortitanillu ikilisaaffigineqarlutik.

Nr. 7.

1.1.2018-imiit imaluunniit erseqqinnerusumik isumaqatigiissusiornikkut tunniussisoqarnissaa siunertaralugu Namminersorlutik Oqartussat inissiaataannik attartortittakkanik akiliuteqartitsinani tunniussisoqarnissaa pillugu kommuninik ataasiakkaanik isumaqatigiissuteqarnissaq anguniarlugu isumaqatiginninniarnissamik Naalackersuisut piginnaatinneqarput.”

**Konto pingaarnermut 72.10.16-imut, Inissiat attartortittakkat ingerlanneqarnerat, aningaasaliissutinit iluanaarutit, nassuiaatit**

Kontumut pingaarnermut matumunnga tullinnguullutik allassimasut oqaasertaliussatut nr. 6 aamma 7-itut ilannguteqquneqarput.

”Nr. 6.

Ineqarnermut akiliutip taamaaginnarnissaa anguniarlugu, immikkoortortanilu aningaasartuutit minnerpaaffianiitinniarlugit inissianut inoqanngitsunut inissianullu ukiut arlaqanngitsut qimanneqartussanut aningaasartuutit immikkoortortamut immikkut ittumut immikkoortinneqarput. Kommunimi ataatsimi immikkoortortamik amerlanerpaamik ataatsimik pilersitsisoqassaaq. Attartortuujunnartut ineqarnermut annikinnerusumik akiliuteqassapput, akikinnerusumilu akiliuteqarneq illup isaterneqarnissaanut naleqquttuuvoq. Aalajangersagaq manna Attartortitsisarnermut Inatsisip misisuiffiginissaani ilanngunneqarumaarpoq.

Oqaasertaliussat nutaajupput.

Nr. 7.

## Ilangussaq 2, oqaasertaliussat kiisalu oqaasertaliussanut nassuiaatit

Kommunit ataasiakkaat kissaataat suunersut apeqputaattillugit Namminersorlutik Oqartussat inissiaataanik 1.1.2018-miit kingusinnerusukkulluunniit kommuninut tunniussinissaq pillugu kommuninik ataasiakkaanik tunniussisoqarnissaanut piumasagaatissanik isumaqatiginninniarnissamik oqaasertaliussatigut Naalakkersuisut piginnaatinneqarput. Isumaqatiginninniarnierit inissiaqartitsinerup tunniunnissaa pillugu kommunit kissaataannik akuerinninnissaq aallaavigalugu ingerlanneqassapput. Kommunit ataasiakkaat sunniuteqaqataasinnaanissaat aallaavigalugu isumaqatiginninniarnissat ingerlattariaqassapput, soorlu inissianik qanoq ilinerani tiguserusunnersut, Immikkoortunut Pilersaarutiniittunik suliaasanik tigussaasunik kommunit namminneerlutik suliaqarusunnersut imaluunniit tunniussisoqannginnerani Namminersorlutik Oqartussat isaterinissaannik iluarsaanissaanillu kommunit kissaateqassanersut.

Isumaqatiginninniarnissanut tunngavittut Naalakkersuisut Namminersorlutik Oqartussat ilaqutariinnut arlalinnut inissiaataannut Immikkoortunut Pilersaarummik suliaqassapput. Immikkoortunut pilersaarutit ataatsimut 2017-imi kvartalimi 1-mi piareersimassapput.

Naalakkersuisut taamaalillutik tunniussisoqarnissaanut piumasagaatinut tunngaviliussassanik Aningaasaqarnermut Ataatsimiititaliamut immikkut isummernissamat tunngavissiat aqputigalugit imaluunniit AI2018-imi tunniussisinnaapput, matumani 1.1.2018-imiit tunniussisoqarnissaa siunertaralugu. Isumaqatiginninniarnerni kommuninut ataasiakkaanut iluarsaasoqarnissaanut isaterisoqarnissaanullu tapiissuteqartoqarnissaanut siunnersuutinik ilangussisoqassaaq, tunniussinissarluunniit kommuninut ataasiakkaanut inissianik tunniussinissaq sioqqullugu iluarsaasoqarnissaanut isaterisoqarnissaanullu Namminersorlutik Oqartussat suliaqarnissaanink tunniussinissaq aallaaveqassanersoq.

Oqaasertaliussat nutaajupput.”

### **Nr. 97.**

#### **Konto pingaarneq 72.20.05-imut, Ilaasunik angallassinermut tapiissutit**

AIS2017-imi kontumut pingaarnermut matumunnga allanneqartut uku oqaasertaliussat nr. 1-imiittut peeqquneqarput:

Isumaqatigiissutit aningaasanut killiliussat 614,5 mio. kr.-inik annertussuseqartut ukiuni 5-ini atuffiini sinnerneqassanngillat, taakku ukiumut 122,9 mio. kr. naligaat.”

Ukuninngalu taarserlugit:

"Isumaqatigiissutit aningaasanut killiliussat 713,5 mio. kr.-inik annertussuseqartut ukiuni 5-ini atuffiini sinnerneqassanngillat, taakku ukiumut 142,7 mio. kr. naligaat."

#### **Konto pingaarneq 72.20.05-imut, Ilaasunik angallassinermut tapiissutit, nassuiaatit**

AIS2017-imi kontumut pingaarnermut matumunnga oqaasertaliussanut 1-imut nassuiaatini immikkoortumi kingullermiittoq peeqquneqarpoq tullinnguuttunillu taarserlugu:

## Ilanngussaq 2, oqaasertaliussat kiisalu oqaasertaliussanut nassuiaatit

"Oqaasertaliussat AI 2016-imit iluarsineqarlutik ingerlateqqitaapput."

### **Nr. 98.**

#### Konto pingaarneq 72.26.02-mut, Mittarfeqarfii

Kalaallit Airport A/S-ip pilersinnerata kingorna Kalaallit Airport A/S mittarfinnik taakkunungalu atasunik illutanik sanaartortussaannngormat kontumut pingaarnermut matumunnga oqaasertaliussat nr. 5 aamma 6 nassuiaatigineqartullu peeqquneqarput.

#### Ineqarnermut, Sanaartornermut Attaveqarnermullu Naalackersuisoq - Suliassaqarfik 80-89

### **Nr. 99.**

#### Suliassaqarfimmur 80 - 89 Sanaartugassat Iluarsagassallu

Oqaasertaliussani nr. 7-imi aningaasat '7,9 mio. kr.-t' '7,4 mio. kr.-nut' allanngorteqquneqarput.

#### Suliassaqarfimmur 80 - 89 Sanaartugassat Iluarsagassallu nassuiaatit

AIS2017-imi suliassaqarfimmur matumunnga oqaasertaliussanut nr. 7-imut nassuiaatini immikkoortoq kingulleq peeqquneqarpoq tullinnguuttunillu taarserlugu:

"Oqaasertaliussat AI 2016-imit iluarsineqarlutik ingerlateqqitaapput."

### **Nr. 100.**

#### Suliassaqarfimmur 80 - 89 Sanaartugassat Iluarsagassallu

Suliassaqarfimmur matumunnga oqaasertaliussassatut nr. 9-tut tullinnguuttut ilannguteqquneqarput. Oqaasertaliussat tassunga assingusut AI2010-mut ilanngunneqarsimapput:

#### "Nr. 9.

Illoqarfinni ilinniartoqarfiusuni piginneqatigiilluni inissianik 500-nik ilinniartut ineqarfiisut ator-neqartussanik sanaartornissamik Naalackersuisut piginnaatinneqarput. Naalackersuisut nammineq aningaasaliinissap akilernissaanut kiisalu sanaartornermi akigitinneqartup 50 %-ii angullugit ernialerneqanngitsumik akilersuutitaqanngitsumillu taarsigassarsititsinissamik piginnaatinneqarput, taamaattoq annerpaamik pr. m<sup>2</sup>-imut 13.500 kr.-inik. Inissiat ataatsimut arlalinnulluunniit pigineqatigiilluni inissiatut sananeqassapput. Inissianik 2-nik, 3-nik 4-nilluunniit initalinnik sanaartortoqassaaq immikkut uffarfeqarlutillu igaffilinnik. Inissiat isumannaatsut avatangiisinillu innarliisussaannngitsut pineqarput, immikkullu atuinermut akiliuteqartitsinermik, kiassarnermik atuiffioqqinnermik kiisalu seqerngup qinngorneranik kiassarnermik misileraaffiususanik.

Naalackersuisut peqatigiiffinni piginneqataasutut inissisimaannassapput, illuutigineqartunillu ilinniartut inissiaatut atuillutik. Illuutigineqartut sananissaannut, piginnittuuffiginissaannut ingerlannissaannullu niuernikkut akiliutigineqartussaasunut tamanut peqataanissamik Naalackersuisut piginnaatinneqarput. Piginnaatitsissummut ilaapputtaaq sanaartornissamut aningaasaliissutissanik pis-



## Ilanngussaq 2, oqaasertaliussat kiisalu oqaasertaliussanut nassuiaatit

sarsiniarsinnaatitaaneq, taarsigassarsinissamut ilimasaarummik uppersaasinnaaneq, suliarinninissamut isumaqatigiissusiorsinnaaneq kiisalu aningaaserivimmit imaluunniit qularnaveeqquisutitalimmik taarsigassarsiniartarfimmit aningaasaliiffigineqarsinnaaneq.

Illuutigineqartut tamakkiisumik Namminersorlutik Oqartussat ilinniartut ineqarfiinik aqutsisoqarfi-  
anut attartortinneqassapput, aqutsisoqarfillu ineqartunut attartortitassanik ataasiakkaanik pisortat  
ilinniartunut ineqarfiutaannik tunniussisarnermi malittarisassat qaqumulluunniit atuuttut malillugit  
attartortitsisassalluni. Piginneqatigiilluni inissiatillit peqatigiiffiat sulinerminut atatillugu, tassun-  
galu malittarisassat naapertorlugit siunissami piffissani aalajangersimasuni pilersaarutaasumik ilu-  
arsaasarnissanut aningaasanik immikkoortitsisassapput. Inissianik ulluinnarni ingerlatsinissaq nioq-  
quteqartumut avataaneersumut neqeroorigineqarsinnaavoq, taakkunungalugu ilaassaq Namminer-  
sorlutik Oqartussat ilinniartut ineqarfiinut aqutsisoqarfik.

Inissiat ilinniartut ineqarfiinik sanaartortarnermi piumasarineqartut malillugit sananeqassapput,  
taamaaliornikkullu sanaartornerup misilittakkanik katersiffiunissaa akikinnerusumillu sananissaanut  
misilittagaqarfiulernissaa qulakkeerniarlugu kiisalu ilinniartut ineqarfiinik naammattunik sukkane-  
rusumik sanaartortoqarnissaanut iluaqutaasussamik. Inissiat siunissami ilinniartut ineqarfiisut ator-  
nissaat pisariaarutissagaluarpas inissiatut allatut atorneqarsinnaasunnorsinnaassapput.”

### Suliassaqarfirmut 80 - 89 Sanaartugassat Iluarsagassallu nassuiaatit.

Suliassaqarfirmi matumani oqaasertaliussanut nr. 9-mut tullinnguullutik allassimasut nassuiaatitut  
ilannguteqquneqarput:

#### ”Nr. 9.

Oqaasertaliussat aqqutigalugit, aningaasanullu inatsisini sanaartornissamut aningaasaqarnikkut killi-  
liussat eqqarsaatigalugit ilinniartut ineqarfiinik sanaartornerup pingaarnerutinneqarnerulernissaanik  
Naalakkersuisut kissaateqarput. Illoqarfinilu ilinniartut ineqarfiinik amigaateqarne-  
rujussuaq pissutaalluni ukiuni arlaqaleqisuni ilinniartunut ineqarfiinissaanut attartornermut anin-  
gaasanik ikinneqisunik Naalakkersuisut akiliisarsimapput. Ilinniartut ineqarfiinut qinnuteqartar-  
tussat amerlinissaat naatsorsuutaammat aningaasartuutit taakku ukiuni tulluittuni amerliartuinnar-  
tussaassapput. Taamaammat aningaasat taakku atornissaat aningaasaqarnikkut eqqarsarluarneru-  
voq, taakkulu kontut pingaarnerit 40.90.15 Ilinniartut ineqarfiinik attartorneq, siusinnerusukkullu  
konto pingaarnerusimasoq, 40.01.08 Ilinniartitaanermut tunngasuni immikkoortumut pilersaarut,  
aqutigalugit 2017-imi attartornermut aningaasartuutitut akiliutigineqarsinnaapput, taakkulu konto  
pingaarneq, 84.40.15 Ilinniartut inaannik sanaartorneq, aqqutigalugu immikkoortinneqarput, ilinnia-  
rtullu ineqarfiinik sanaartornernut realkredit aqqutigalugu ataasiartumik arlaleriarluniluunniit taar-  
sigassarsititsinernut akilersuinissamut tunngaviussapput.

Piginneqatigiilluni inissiaateqarfik ataaseq arlallilluunniit aqqutigalugit inissianik 500-nik sanaar-  
tornissamik Naalakkersuisut piginnaatinneqarput. Ilumoorpat piginneqatigiilluni inissiaateqarfik (-

## Ilanngussaq 2, oqaasertaliussat kiisalu oqaasertaliussanut nassuiaatit

fiit) sananeqartussaassapput, tassanilu siunertarineqassaaq illunik piginneqatigiilluni inissianik 500-t angullugit amerlassuseqartussanik sananissaq, piginnittuunissaq, ingerlatsinissaq aqutsisuunissarlu, tamakkulu piginneqatigiilluni inissiaateqartut aamma Namminersorlutik Oqartussat ilinniartut ineqarfiinik aqutsisut akornanni attartornermut isumaqatigiissutit aqutigalugit attartortinneqarlutik. Ineqartunut ataasiakkaanut Namminersorlutik Oqartussat ineqarnermut akiliuteqartitsinerisigut ineqarfiit ingerlanneqassapput.

Pilersaarummut tunngaviliussaq Piginneqatigiilluni inissiat pillugit Inatsisartut peqqussutaata nr. 2, 16. maj 2008-meersup Inatsisartunit akuersissutigineqarneratigut pilersinneqarpoq. § 29, imm. 1-imi tunngaviliunneqartutut Namminersorlutik Oqartussat piginneqataajuaannassapput. Piginneqatigiilluni inissiaatillit siulersuisuini sulineq ineqarnermut illuutilinnullu naalakkersuisoqarfimmiit oqartussaasutut akisussaasumiit isumagineqassaaq.

Aalajangersakkami aamma takuneqarsinnaavoq piginneqatigiilluni inissiat pillugit peqqussummi kapitali 3-mi, taamaattoq § 24, imm. 3 pinnagu, aalajangersagaq Namminersorlutik Oqartussanut aamma atuuttoq, tamatumalu kingorna Namminersorlutik Oqartussat piginneqatigiissutitik inunnut piginneqatigiilluni inissiaateqartut akuersinerisigut piginneqatigiiffimmut ilaasortanngorsinnaasunut tunniutissallugit pisussaaffeeruttussaallutik.

Pingaarnertut malittarisassani minitaqarnerup ilanngunneranut pissutaavoq Namminersorlutik Oqartussat assersuutigalugu inissianik nutaanngitsunik isatereriarlutik inissianik nutaanik sanasinnaanerat, siusinnerusukkullu attartortunut nalinginnaasumik attartortitsisarnermi atugassarititaasut malilugit attartortitsillutik. Minitaqarnikkullu piginneqatigiilluni inissianik sanaartornissaq periarfissaalerpoq, assersuutigalugulu sulisunut ilinniartunulluunniit inissiatut atorsinnaanngorlugit.

Ilinniartut ineqarfiinik sanaartornermut atatillugu taarsigassarsisoqarnerani taarsigassarsititsineranut tunngaviliunneqartartut atuuttut malinneqassapput.

Oqaasertaliussat nutaajupput.”